



詞海遺珠卷之三

潯陽勞堪編

東陽王乾章校

修文殿御覽載李陵詩紅塵蔽天地白日何冥冥微  
陰盛殺氣淒風從此興招搖西北指天漢東南傾嗟  
爾穹廬子獨行如履冰短褐中無緒帶斷續以繩漚  
水置甕中焉辯淄與澠巢父不洗耳後世有何稱此

詩古文苑止載首二句註云下缺

博陵郝儵女廟壁題喜遷鶯詞汀洲蘋滿記翠籠采

采相將隣媛蒼渚烟生金支光爛人在霧綃鮫館小  
鬟頓成雲散羅襪凌波不見翠鸞遠但清溪如鏡野  
花留靨情睠驚變現身後神功緣就吳蠶繭漢女菱  
歌湘妃瑤瑟春動倚雲層殿彤車載花一色醉盡碧  
桃清宴故山晚嘆流年一笑人間飛電

岳陽樓有張翺詩樓上元龍氣不除湖中范蠡意何  
如西風萬里一黃鶴秋水半江雙白魚鼓瑟至今悲  
二女沉沙何處吊三閭朗吟僊子無人識騎鶴吹簫  
上碧虛世不傳

劉禹錫逸詩其題焚絲瀑云飛流透嵌隙噴酒如絲  
焚含暈迎初旭翻光破夕曛餘波繞石去碎響隔溪  
聞却望瓊沙際逶迤見脉分

逸樂府絕句大艣高帆一百尺新聲促柱十三絃揚  
州市裏商人女來占西江明月天

咏鶯雜體鶯能語多情春將半天欲明始逢南陌復  
集東城林疎時見影花密但聞聲營中綠催短笛樓  
上欲定哀箏千門萬戶垂楊裏百轉如簧烟景晴  
觀舞詩山鷄臨清鏡石燕赴遙津何如上客會長袖

入華裊體輕若無骨觀者皆聳神曲盡迴身去層波  
猶注人以上數詩世皆不傳

薛濤逸詩聞說邊城苦如今到始知好將筵上曲唱  
與隴頭兒

唐僧貫休詩霜月夜徘徊樓中羨管催晚風吹不盡  
江上落殘梅

唐李咸用端溪硯詩媧天補剩石昆劍切來泥着指  
痕猶濕經旬水未低呵雲潤柱礎筆彩飲缸覓鴿眼  
工諳謬羊肝士乍到連漸光比鏡因墨膩於醫捧愛

同交印矜持過乘注宜從方袋挈枉把短行批淺水  
金爲斗泓澄玉作堤

續南部烟花錄有劉綺莊揚州送人詩唐詩中不載  
其詩曰桂楫木蘭舟楓江竹箭流故人從此去遠望  
不勝愁落日低帆影歸風引棹謳思君折楊柳淚盡  
武昌樓

唐無名氏詩江上送行人千山生暮氛謝安團扇上  
爲畫敬亭雲

唐僧靈徹古墓詩松樹有死枝塚墓惟莓苔石門無

人入古木花不開天台山云天台衆山外歲晚當塞  
空有時半不見崔嵬在雲中

陳子昂登幽州臺歌文籍不載其歌云前不見古人  
後不見來者念天地之悠悠獨愴然而涕下

蜀有女狀元黃崇嘏臨邛人作詩上蜀相周庠庠薦  
之屢攝府縣庠欲妻以女嘏以詩辭之曰一辭拾翠  
碧江湄貧守蓬茅但賦詩自服藍衫居郡掾永拋鸞  
鏡畫蛾眉立身卓爾青松操挺志堅然白壁姿幕府  
若容爲坦腹願天速變作男兒庠大驚乃嫁之

曹子建遺詩棄婦篇石榴植前庭綠葉搖縹青丹華  
灼烈烈璀璨彩有光榮光好曄流離可以處淑靈有鳥  
飛來集拊翼以悲鳴悲鳴夫何爲丹華實不成拊心  
長嘆息無子當歸寧有子月經天無子若流星天月  
相終始流星沒無精栖遲失所宜下與瓦石并憂懷  
從中來嘆息通鷄鳴反側不能寐逍遙於前庭踟躕  
還入房肅肅帷幙聲寒帷更攝帶撫弦彈鳴箏慷慨  
有餘音要清悲且清收淚長嘆息何以負神靈招搖  
待霜露何必春夏成晚獲爲良實願君且安寧

秦始皇作驪山陵民怨之其泉歌運石其泉口渭水  
不敢留千人唱萬人謳金陵餘石大如壘

唐長孫左輔寄衣曲征人去年戍遼水夜得遺書字  
盈紙揮刀就燭裁紅綺結作同心達千里君寄遺書  
書莫絕妾答同心心自結同心再解心不離書字頻  
開字愁滅結成一夜和淚封貯書只在懷袖中莫如  
書字固難久願學同心長可同此詩亡逸英華亦不載  
侯夫人看梅詩砌雪無消日卷簾時自顰庭梅對我  
有嬌意先露枝頭一點春香清寒豔好誰惜是天真

王梅謝後青陽至散與群芳自在春

楊素作柳弘詠云山陽王弼風流長逝潁川荀爽零  
落無時修竹夾池水絕梁園之賦長楊映沼無復洛  
川之文

嚴君平老子注世多不見其云天地億萬而道王之  
衆靈赫赫而天王之保有穴處而聖人王之羽者翔  
虛而神鳳王之毛者蹶實而麒麟王之鱗者水居而  
神龍王之介者澤處而靈龜王之百川並流而江海  
王之又云肝膽爲胡越眉目爲齊楚又云生不枉神

死不幽志又云言爲禍匠默爲害工進爲妖式退爲  
嬖容

張融海賦不傳北堂書抄載其畧湍轉則日月似驚  
浪動則星河如覆

漢有鑑銘尚方作鑑其大好上有僊人不知老渴飲  
玉泉饑食棗

又云有玉辭夏惟金去秦俱隨革故共集鼎新儀天  
寫質象日開輪率舞鸞鳳奔走鬼神長懸仁壽天子  
萬春

又云練形神冶營質良工如珠出匣似月停空當眉  
寫翠對臉傳紅綺窓繡幄俱照秦宮

王勃益州夫子廟碑帝車南指遁七曜于中階華蓋  
西臨藏五雲於太甲

黃滔賦明皇經馬嵬云日慘風悲到玉顏之死處花  
愁露泣認朱臉之啼痕裊雲萬疊斷腸新出平啼猿  
秦樹千層比翼不如於飛鳥

陳蕭鄰詠複裙詩磊磊金沙淨離離寶絳分纖腰非  
學楚寬帶爲思君

郭象在子注養生云向息非今息故納養而命續前  
火非後火故爲薪而火傳又云以生死爲寤寐以形  
骸爲逆旅又云堯有亢龍之喻舜有卷倭之談周公  
類之走狼仲尼比之逸狗又云生之所無以爲者分  
外物也知之所無奈何者命表事也又云煖焉若春  
陽之自和故澤者不謝淒乎如秋霜之自降故彫落  
者不怨學工多不見此語

郭璞客傲云青陽之翠秀龍豹之委頽駿狼之長暉  
玄陸之短景

唐王起洗乘石賦承玉趾以增麗拂衣而更妍洗  
列周經履合詩雅

漢碑唐扶頌如山如岳嵩如不傾如江如河澹如不  
盈

梧州冰井刻詩井名未磨滅自我發沉晦

秦觀醉橫州祝生家詞喚起一聲人情衾冷夢寒牕  
曉瘴雨過海棠開春色又添多少社甕釀成微笑半  
破柳瓢共酌覺傾倒急投床醉鄉廣大人間小  
欽州銅柱刻云銅柱折交人滅

詩海遺珠卷之三  
朱新仲韶州大湧泉記自有天地便有此泉振高僧  
之錫而躡騷人之屐多矣若據石臨清舉白盡醉則  
自我輩始

唐許渾夜宴韶陽樓詩待月江樓捲翠羅玉盤瑤瑟  
近星河簷前碧樹窮秋密窓外青山薄暮多鸚鵡不  
知狂客舞鷓鴣先讓美人歌使君不惜通宵醉刀筆  
初從馬伏波

楊萬里跋韶州政寶堂蘇軾黃庭堅石刻云蘇黃皆  
落南而嶺南無二先生帖大似魯人不識麟惟韶有  
之耿光異氣上燭南斗下貫碧海矣

齊范雲飲始興修仁水詩三楓何習習五渡何悠悠  
龍川人藍喬隱霍山吹鐵笛賦詩太一寧前是我家  
滿牀書史足生涯春深帶酒不歸去老却碧桃無限  
花

唐鄭文寶緱氏山詩秋雲漠漠秋雲輕緱氏山頭月  
正明帝子西飛仙馭遠不知何處夜吹笙

莆中靈石山僧寂南平鍾王禮致之不赴書付使者  
曰摧殘枯木倚寒林幾度逢春不變心樵客見之猶

不采邳人何事苦搜尋

邵武王氏墓銘琅琊王氏女江南熙載妻丙申閏七月葬在石城西宋大觀二年有危氏掘出不知爲何代人也

邵武人饒幹銘能磨琢而器吾之玉乎則心皇皇如不足能烜赫而丹吾之轂乎則足蹢蹢如不欲故樂也不加若性而汗也不懼其辱是謂善學朱氏者蓋不惟其名而實之爲

無町畦道人名焉似邵武人也有詩踏遍紅塵四百

州幾多風月是良儔朝來應笑酡顏叟道不相伴風馬牛

熙寧中邵武人支離子仙化復見于蜀寄友人詩昔遊西太一今日返成都若問去來事雲藏月影孤

唐歐陽詹漳州柳營江驛詩回峯疊嶂遶亭隅數點烟霞勝畫圖日暮華軒捲長笛太清雲上對蓬壺

泉州延福寺宋趙令祠唐姜公輔秦系銘嬰鱗神龍蹇蹇匪躬姜相之忠塵視公卿惟義是榮秦君之清

祥符間甌寧人徐奭鑄鼎象物賦足惟下正詎闡公

言海遺珠卷之三  
鍊之歆傾鉉乃上居實取王臣之威重

白玉蟾自贊千古蓬頭跣足一生服氣殮霞笑指武夷山下白雲深處吾家

唐陳子昂大峩山詩浩然坐何慕吾蜀有峩眉念與楚狂子悠悠白雲期

淳祐間鄧得遇邛州人守靜江兵破城得遇遇書曰宋室忠臣鄧氏孝子不忍偷生寧其溺死彭咸故居乃吾潭府屈公子平乃吾伴侶優哉優哉吾得其所遂投江死

唐神童先汪瀘州安樂山詩碧峯橫倚白雲端隋代真人化蹟殘翠柏不彫龍骨瘦石泉猶在鏡光寒一身迥向天邊立萬壑皆從脚底看莫道烟霄無路上但存仙骨到非難

宇文博蘆山飛仙關賦孤峯上接於青天湍波下走於長川斷崖橫壁立之峯飛溜濺千丈之泉古之漏閣即此關也

丹稜龍鵠山壁無名氏詩抽得閑身伴瘦筇亂敲青碧喚蛟龍道人掃徑收松子缺月初懸天柱峯

青神慈姥巖石刻李壁詩洗盡一春歌酒塵蒼江吹  
破碧粼粼韶華過眼都如夢祇有三峯是故人

宋嘉定間長寧冷水溪側掘地得銅牌曰小桃源詩  
云綽綽去朝真僊源萬木春要知竊桃客定是會稽

人

黃彞則巴縣君子泉銘有冽者泉達於南東浩然天  
中其流不窮於暑而寒於寒而溫豈其矯耶不變者  
存

衛靈公葬沙丘宮穿冢得石櫛有銘曰不憑其子靈

公奪我里

隋夏履勛爲涪州刺史民謠曰我有丹陽山出玉象  
齊我民夷神鳥來翔

馮野王爲隴西太守弟世相代爲守民歌曰大馬君  
小馬君政如魯衛德化新周公叔康續二君

唐崔元靖爲太守令人爲立碑云虎嘗傷人不以強  
弓毒矢而以一介之使追虎至而殺之

唐呂溫作博陵郡青殿高家泰然恩道至誠動天  
天將報之以說焉瑞審形旁求實得於此貞元九年

予由編徂治意寓于虞說之周升雖數原莫不其地  
遠蹟雖味清風若存乃作傳後世云

南陽樊倫元氏試劍石勒頓太山之陽龍山首登臺  
峯嶽衝牛斗試劍巨石尚然存壽靈神鋒出無有  
新樂蘇天爵建春臺亭以祭先龍謂曰鎮陽東郭澤  
沱北許有亭其然壽靈先墓草木亦芳非非雨露降  
兮朝瞻雲冥冥兮不返烏鴉鳴兮增悲歲時兮未享  
陔彼高兮明聖兮念兮思親懷音容兮惚恍覽日  
月兮交寒暑兮相依尚未延兮孫子勿俾汝親

兮鬼饑

魏祖瑩好屬文與袁翻齊名時人語曰京師楚楚袁  
與祖浴中翩翩祖與袁

陳儼李白酒樓歌公昔去兮乘龍宵雲氣兮蓬萊宮

襟青霞兮珮明月橫四海兮烏窮濟水兮無波泰山

繚兮鬱差我思故國兮神遊悅臨風兮浩歌醉而生

兮醉而死曩孰非兮今孰是千鍾百饑兮彼且奚適

操一瓢兮吉其止擘春風兮折瓊芳援北斗兮斟桂

漿浩冥冥兮徙倚以望歸來歸兮舉我觴

王禹偁魯壁銘據山高兮爲秦城鑿池深兮爲秦坑  
城之高兮曷先壞坑之深兮曷先平伊斯壁兮藏家  
書匪秦亂兮猶不傾壞之者共王誦之者伏生發典  
謨訓誥之義振金石絲竹之聲如天地兮否而復泰  
如日月兮晦而復明秦之焚兮未盡我不爲燼秦之  
坑兮未得爾滅其國江海涸乾坤傾惟斯文兮用之  
不息

唐開元中湘潭隱山有老僧火其菴遁去留詩石壁  
三間茅屋從來住一道神光萬境闌莫把是非來辯

我浮生穿鑿不相干

宋理宗于嶽麓山下蒼葦谷親書僊巢吹香亭五字  
有詩云放鶴去尋三島客任人來看四時花亭爲仙  
巢先生鍾尚書閑居之地

洞庭老人吟曰八十滄浪一老翁蘆花江上水連空  
世間多少乘除事良夜月明收釣筒

唐陶雍荆門山詩兩岸開盡水迴環一葉纒通石罅  
間楚客莫嫌山勢險世人心更險如山

唐沈傳師荆門惠泉詩京路馬駸駸塵勞日向深蒙

言海遺珠卷之三  
泉聊息駕可以洗君心

三峽間懸棺有石誌三百年後水漂我將及長江  
欲墮欲墮不墮遇王果唐將軍王果至此歛祭而去

漢荊州刺史郭賀百姓歌曰厥德仁明郭喬卿忠正  
朝廷上下平

湘中老人于君山側歌曰湘中老人讀黃老手持紫  
蘼坐碧草春至不知湖水深日暮忘却巴陵道

王禹偁陳州厄臺銘序天地厄于晦冥日月厄于薄  
蝕山川厄于崩竭聖人生而肖天地之貌稟日月之

靈鍾山川之粹得無厄乎所以虞舜厄于歷山帝禹

厄于洪水成湯厄于夏臺文王厄于羑里我先師夫

子厄于陳蔡其道一也

宋康王欲奪其舍人韓憑之妻乃築臺望之憑妻作

詩曰南山有鳥北山張羅鳥自高飛羅當奈何自縊

今青陵臺在封丘界

曹植禹廟贊懸仰聖業功濟唐虞微君之勤吾其爲

魚

漢相帝時黨禍起士大夫有去官者相抱而泣陳留

老父歎曰夫龍不隱鱗鳳不藏羽網羅高懸去將安  
所雖泣何及乎衆欲與語不顧而去竟不知其名

唐李紳濠梁四望亭記雲山左右長淮縈帶下繞清  
淮旁闕城邑

唐獨孤及濠梁垂花塢詩紫蔓青條覆酒壺落花時  
與野風俱歸來自負花前醉笑向游魚問樂無

鍾離市僊人藍采和歌曰踏踏歌藍采和人生能幾  
何紅顏三春樹流年一擲梭古人混混去不返今人

紛紛來更多朝騎龍鳳到瑄落暮看桑田生白波長  
景凝暉在烟際金銀宮闕高差幾

唐許渾金壇蓮池詩心憶蓮池秉燭遊葉殘花敗尚  
維舟烟聞翠扇清風曉水泛紅衣白露秋

南唐沈彬隱丹陽雲陽山嘗手植一樹命諸子曰吾  
死葬此及卒發之乃一虛冢石臺上有漆燈一盞又

有銅牌篆曰佳城今已開雖開不堊埋漆燈猶未滅  
留待沈彬來

王安石桃源行世不多傳其曰望夷宮中鹿爲馬秦  
人半死長城下避世不獨商山翁亦有桃源種桃者

言海邊瑤卷之三  
一來種桃不計春採花食實枝爲薪兒孫生長與世  
隔知有父子無君臣漁郎放舟迷遠近花開相見驚  
相問世上空知古有秦山中豈料今爲晉聞道長安  
吹戰塵東風回首亦沾巾重華一去不復返天下紛  
紛經幾秦

唐劉禹錫衡州招屈亭競渡曲沅江五月平堤流邑  
人相將浮絲舟靈均何年歎已矣哀謠振檝從此起  
又云曲終人散空愁落招屈亭前水東注有碑尚存  
寇準武陵其泉寺題庚申年秋九月平仲南行至其

泉院僧以詩板視之征途不暇吟詠代記年月  
漢武陵守陸康疏什一而稅周徹法也魯宣稅畝而  
豚災自生哀公增賦而孔子非之豈有奪民錢以營  
無用之物哉時靈帝欲鑄銅人詔歛民田每畝十錢  
此疏不傳

唐李翱贈武陵藥山師詩煉得身形似鶴形千株松  
下而函經我來問道無餘說雲在青天水在瓶  
五代楚王馬希範辰州銅柱銘五溪之險不足恃我  
旅爭登若平地五溪之衆不足平我師輕躡如春水

言海遺珠卷之三  
柳宗元永州新堂記公之蠲濁而流清豈不欲廢貪  
而立廉公之居高而望遠豈不欲家撫而戶曉然則  
常公之立是堂豈獨草木土石水泉之適山原林麓  
之觀歟將使繼公之理者視其細知其大也  
張耒武昌吳王城賦登武昌之故墟兮吊西門之衰  
柳是吳王之故宫兮昔仲謀之所有

張商英知鄂州時蔡京欲推方田於天下又築園土  
以囚罪人商英謝表云方田擾安業之民園土聚徒  
鄉之惡此語一出天下傳誦

上高香山院唐有無名氏題誰將萬斛旃檀子撒向  
千春古道塲萬壑曉風吹不斷至今猶自滿山香

黃庭堅高安江西道院銘高安之城豫章之別雖風  
氣之未遂亦微俗之可悅故柳侯下車解牛而不割  
未嘗發硯初不折缺則喟然嘆曰江西道院名不虛  
生爰作新堂合陳鼓瑟有斐翰墨賓贊令丞作爲歌  
詩接民頌聲昔也憂民之憂今則樂民之樂

唐鄧廷聞分宜讀書臺詩鍾山高高鍾水綠昔有佳  
人在幽谷臺荒只見草萋萋萬卷不留誰更讀

蘇軾王巖居士贊道不二德不孤無人所有有人所  
無

宋度宗南康縣字民銘末云咨爾令長守而勿墜宣  
朕實意斯爲愷悌

南齊太守沈約東陽八詠樓詩登臺望秋月會圃臨  
春風秋至愍衰草寒來悲落桐夕行鶴晨征聽  
曉鴻解佩去朝市被褐守山東

唐于興宗東陽涵碧亭詩高低竹雜松嶺翠復留風  
路劇陰溪表寒生暑氣中

紹興中岳飛烏石寺題云岳飛奉旨趨闕復如江左  
假宿靈嵒遊上方覽江山之勝志期爲國掃平黠虜  
恢復輿圖迎二聖沙漠之還輔聖主無疆之休因結  
緣佛事以紀歲月云

汪應辰祭宋相趙鼎文惟公兩登上宰皆值艱危之  
時一斥南荒遂爲生死之別事已定于蓋棺恩特容  
于歸骨

勾踐種葛使越女治布獻吳王採葛人歌曰嘗膽不  
苦味皆飴令我採葛以作絲

言涉通雅卷之三  
慈谿丈亭館古詞潮生浦口雲潮落沙頭樹潮本無  
心落又生人自來還去今古短長亭送往迎來處老  
盡東西南北人亭下潮如故

唐周朴天台桐柏山詩東南一境清心目有此千峯  
插翠微人在下方衝月上鶴從高處破煙飛

唐姚揆瑞安三皇井銘維僊之居旣清且虛一泉一

石可詩可圖

平陽縣玉蒼山古碑蒼王之山虎踞龍蟠

王安石歸川靈谷詩序吾州之東南有靈谷者江南

之名山也龍蛇之神虎豹羣羣之文章梗枏豫章竹  
箭之材皆自山出而神林鬼家魑魅之穴與夫僊人  
釋子恢謫之觀咸附託焉至其淑靈和清之氣盤礴  
委積於天地之間萬物之所不能得者乃屬之於人  
文天祥安福勉耘堂說百聖在天六經行世譬之五  
穀皆美種也錢鑄必鑄茶蓼必穉旣堅且好實穎實  
栗不然畧閩蜀之躡鴟拾燕趙之棗栗而吾未嘗不  
飽嗚呼此豈樂饑常法哉彭君竒宗之爲學也知所  
以種而以勉耘願其堂其必有五穀始是穰是黍必

有豐年

歐陽玄安福臨溪亭歌溪之水清且深兮我濯我心  
溪之水深且清兮我濯我纓纓有塵兮尚可心有累  
兮溪將無以澣我外潔淨兮中明蠲我與溪兮各全  
其天

宋左丞王安中新興龍山寺覺軒銘本自不迷何者  
爲覺惟無舌人滿口道着龍山名軒無病求藥從而  
銘之分一半錯

陶弼靈山三海巖詩序一呀雲際天光內通如月破

一若巨龜殼側倚崖下一中窪上窪狀如覆鼎蓋如  
竈上下有礮石螺蚌負之予疑上古時海漸於此

諸葛亮滇國拓陳城碑文曰得即什蠻爲漢奴

宋僧仲殊姑蘇臺柱上詩天子地久大悠悠你旣無  
心我亦休浪跡姑蘇人不管春風吹笛酒家樓

黃人歌刺史左震曰我欲遊鄉里我欲去墳墓左公  
今旣來誰忍舍之去又云吾鄉有鬼巫惑人人不知  
天子尚尊信左公能殺之左公唐時人

隋樊叔畧爲相州刺史百姓爲之語曰智無窮清鄉

言海遺珠卷之三  
公上下正焚安定

隆慮人郭巨掘地得黃金一釜有丹書曰天賜孝子  
郭巨官不得奪民不得取

安陽人李志方羽化留頌四大既還本一靈方到家  
白雲歸洞府明月落樓霞

磁州僧實公造仰山寺忽有題詩柱上者曰人道斑  
鳩拙我道斑鳩巧一根兩根柴便是家緣了實公大

悟

周時審滅扣牛角而歌  
山呀白石爛中有鯉魚

長尺半生不逢菴  
禪短布單衣纔至  
鼈從昏  
牛至夜半長夜漫漫何時旦

晉阮籍首陽山詩步出上東門北望首陽岑下有采  
薇士上有嘉樹林

宋王子由天壇山紀云早暮有影其色深碧旦則在  
西直插天際日高則卧與海接暮影在東先卧後立  
他山所無也

元好問登封頴考叔墓詩洩洩頴谷雲融融頴川水  
封君去我久水雲自清美

言海通珍卷之三  
公上下正焚安定

隆慮人郭巨掘地得黃金一釜有丹書曰天賜孝子  
郭巨官不得奪民不得取

安陽人李志方羽化留頌四大既還本一靈方到家  
白雲歸洞府明月落樓霞

磁州僧實公造仰山寺忽有題詩柱上者曰人道斑  
鳩拙我道斑鳩巧一根兩根柴便是家緣了實公大

悟

周時審滅扣牛角而歌  
山呀白石爛中有鯉魚

長尺半生不逢堯與舜禪短布單衣纔至軒從昏飯  
牛至夜半長夜漫漫何時旦

晉阮籍首陽山詩步出上東門北望首陽岑下有采  
薇士上有嘉樹林

宋王子由天壇山紀云早暮有影其色深碧旦則在  
西直插天際日高則卧與海接暮影在東先卧後立  
他山所無也

元好問登封穎考叔墓詩洩洩穎谷雲融融穎川水  
封君去我久水雲自清美

偃師比干墓唐開元中耕地得銅盤篆文奇古云右  
林左泉後岡前道萬世之藏茲焉是寶

唐玄宗題陝州刺史盧真廳事贊其美政曰專城之  
重分陝之雄亦既利物內有匪躬斯爲國寶不墜家  
風

晉趙堅因秦主堅好酒色上詩曰昔聞孟津河千里  
有一曲此水本自清是誰使令濁

周人浮丘伯原道歌虎伏龍亦藏龍藏先伏虎但畢  
河車功不用隄防拒諸子學飛仙狂迷不得住左右

得君臣四物相念護乾坤法象成自有真人顧

西魏征南將軍張澹家碑背有文曰白楸之棺易朽  
之裳銅鐵不入凡器不藏嗟爾後人幸勿我傷宋元  
嘉中盜發金銀器甚多

南陽漢園令碑在文宣王廟內其字隸書碑石斷裂  
所可辯讀者天寶高惟聖同戲我君羨其踪體弘仁  
蹈中庸所臨歷有豐功追景行亦難雙刊金石示萬  
邦

靈帝時皇甫嵩領冀州牧民歌曰天下饑亂兮市爲

墟毋不保子兮妻失夫賴得皇君兮復安居

漢岑熙爲魏郡太守人歌曰我有枳棘岑君伐之我有蝨賊岑君遏之狗吠不驚足下生甕含哺鼓腹焉知凶災

固始上天山有石洞真題頌嘉道修真性自然存神運氣養丹田心澄碧淨明如月走出輪迴入洞天

梁夏侯夔爲豫州刺史民歌曰我之有州賴得夏侯前昆後弟布政優游

盧摯巖子陵釣臺辭雲山蒼蒼兮煙木稠石瀨潺潺

兮江水流故人兮冕旒先生兮羊裘使人皆先生兮誰其伊周使人不先生兮誰其巢由可仕止久速兮舍聖人將焉求清風一絲兮豈爲名釣蕉黃荔丹兮香火千秋崖下幾箇兮榮辱之舟先生一笑兮白雲收

唐李德裕烏江浦項亭賦望牛渚之蒼然嘆烏江之不渡思項氏之入關按秦圖而割據恃八千之剽疾棄百二之險固咸陽不留王業已去

開禧間周虎守和州破虜全城毋何氏傾家皆以犒

軍士封感義郡夫人誥畧云有子而才畫州以守慈  
親白髮共誓丹心爰超大郡之封庸正小君之號使  
天下之爲人母者皆知以是教其子使天下之爲人  
子者皆知以是顯其親

陳靖作彭祖觀井圖銘序畧曰惟彭氏而井而覆之  
以輪背樹而纜之以繩凭杖欹躬跼蹐而迎視競競  
然若將墜也嗚呼其臨事而懼之有若是檢身遠害  
之有若是後之君子得無效與

王儁備豐縣厭氣臺銘臺之築兮救秦之衰救之不  
得爲漢之基氣之厭兮慮漢之昌厭之不得速秦斯

亡

隴山歌隴頭流水鳴聲幽咽遥望秦川肝腸斷絕

唐時隴亭有童謠曰秦隴無人塞草腥將軍一去泣  
空營漢家天子東巡狩行到江南又起兵

唐人刻石崖玉泉詩山股逗飛泉泓澄傍岩石亂垂  
寒玉條碎洒珍珠滴澄波涵萬象明鏡瀉天色有時  
乘月來賞詠還自適墨跡透石不書名氏

杜衍范仲淹祠贊英英如神巖巖如山仁義道德益

於顏間大忠臯夔元勳方召以贊中樞以尊巖廟祐  
我仁祖格于皇天是敬是虔不傾不騫維慶有祠邦  
民式思慶山可夷茲堂巍巍

唐人羅虬作鄜州從事賦比紅兒一解其辭曰花落  
塵中玉墮泥香魂應上窈娘隄欲知此恨無窮處長  
倩城烏夜夜啼

晉太守馬岌題隱士宋纖壁詩丹崖百丈青壁萬尋  
竒木蒼鬱蔚若鄧林其人如玉爲國之琛室邇人遐  
實勞我心

琉璃微時嘗投合肥福泉寺隨後歸守鄉郡  
詩曰二十年前此布衣鹿鳴西上虎符歸故時  
寶從諧前事到處杉松長舊園野老共遮官路拜沙  
鷗遙見隼旗飛春風一宿琉璃殿惟有泉聲愜素機

漢白公引涇水溉田民得其利歌曰田於何所池陽  
谷口鄭國在前白公在後舉鍾成雲決渠爲兩涇水  
一石其泥數斗且溉且糞長我禾黍衣食京師億萬  
之口

昔高麗使臣爲海風飄至海門料角嘴以啓投太守

言汝遺珠卷之三  
三五  
曰望斗極以乘槎初離下國指桃源而迷路誤到僊鄉

高郵有女子夜過此天陰蚊盛有耕夫田舍在焉其嫂止宿文曰吾寧此處死不可失節遂以蚊死其筋露焉遂立露筋廟宋米市碑記澤國之女嗜膚露筋不就有帟之子氏不顯于一時名可揭於萬世

海陵王伯起隱處仁宗英宗俱賜粟帛王覲誌其墓曰伯起不有其道而道著于朋友不居其名而名聞於朝廷

五代晉趙元佐羊使君廟贊身爲犧牲禱于洪水洪水無知浸而後已民思其仁立廟以祀嗚呼哀哉不書于史

聊城有女五人誓不適人孝養父母後卒同穴而葬李佐時贊曰孝哉五女幼年弗嫁其旨奉親溫清冬夏風樹旣悲白華亦謝墓可封哉永淳俗化

宋徐爽知博州有惠政鄉賢碣有贊云仁於用心利非專已能撥清俸贍養多士源源其惠如西江水涵泳恩波無時而已

漢賈琚爲交趾刺史招撫不軌之民民歌曰賈父來  
晚使我先友今見清平吏不敢飯

貞觀中馬周爲中書令帝以飛白書賜之曰鸞鳳冲  
霄必假羽翼股肱之寄要在忠力

唐北海守趙居貞青州雲門山詩晚登雲門山直上  
一千尺絕頂彌孤聳盤途幾傾側前對劈裂峯下臨  
削成壁陽巘雲芝秀陰崖僊乳滴

宋真宗石刻武成王太公望廟贊栢栢尚父王佐之  
雄王璜協兆黃鉞成功四履業茂七政教崇式增懿

號永振清風

隋高苑令劉敬和賑民民歌曰高苑之樹枯已榮淄  
川之水渾已澄鄒邑之民仆已行

宋真宗別真晦先生歸華山詩嶽中逸士本藏名常  
把琴尊適性情盡說臨流看水色有時隱几聽松聲  
遍遊萬壑誠嘉遁偶出千峯翫治平已薄紛華存太  
素從教兩曜自虧盈談希夷寃玄默沃予心號無極  
辭城闕歸山林樂尔志趣何深世間浪說是浮榮  
陳搏對御歌臣愛睡臣愛睡不卧氈不盖被片石枕

詞海遺珠卷之三  
頭簑衣鋪地震雷掣電鬼神驚臣當其時正鼾睡閑  
思張良悶想范蠡說甚孟德休言劉備這三四君子  
只爭些閑氣爭如臣向青山頂上白雲堆裏展開眉  
頭解放肚皮管甚麼玉兔東生紅輪西墜

無名氏華山賦畧惟昔巨靈啓斯太華拓崇崇而喬  
岳西靡使浩浩而洪水東下故能尊大川安萬化幹  
厚土存中夏折若華于暮景捧麗日于晴朝旣瞻眺  
之無歎望提上之匪遙

詞海遺珠卷之三終

